

Ohppiide ja ovddasteddjide

Diedut boahku birra bárkodávdda, spiidneboahku, ja ruksesboahkuid vuostá (MMR-boahku)

Nationála mánáidboahkuhanprográmmas fálojuvvojit 6. luohká ohppiide (11–12 jahkásaččaide) odasmahttinboahku virusdávddaid bárkodávdda, spiidneboahku ja ruksesboahkuid vuostá (MMR-boahku). Vuosttaš boahku addojuvvo dábálaččat go máná lea 15 mánnosaš. Bisuhan dihte buori suodjaleami fálojuvvo dál odasmahttinboahku.

Dávddaid birra

Mánnádávddain lea bárkodávda duodalaččamus ja eanemus njoammu. Dávda álgá nuorvodávdamearkkaiguin ja alla feberiin, ja dan maŋŋá boahká rušmmasteapmi. Bárkodávdda maŋŋá bohtet dávjá váttisvuodaid, nugo geahpesvuolši, bronkihtta ja bealljevuolši. Duodalaš váikkuhusat vuoiŋnamašvuolši (encefalitt), bistevas vuoiŋnamašvihki ja jápmin gávdnojit boahkukeahtes olbmui maiddái min oasis máilmmis.

Spiidneboahku dagaha febera ja bohtteha nierračolgarávssáid. Dábálaččamus váttisvuohka lea spiidneboahkkovuolši (meningihtta), mii dávjá nohká almmá bistevas vahágiid haga. Duodaleat váttisvuohka lea bistevas bealjuhuvvan. Jus bártnit ožžot spiidneboahku pubertehta maŋŋá, sáhtá virus fallehit bálluidda ja hedjonahttit sahkanahhtima.

Ruksesboahkut lea geahppa dávda mas lea feber ja rušmmasteapmi. Jus áhpehis nissonolbmui gii ii leat immuvdna njommot ruksesboahkut, de sáhtá dat vahagahttit ogi. Riska ahte šaddá liitománá lea badjel 80 % jus buohká áhpehisvuoda álgoasis. Go mánáid boahkuha, eastada njoammuma áhpehis nissoniidda.

Boahku birra

Boahku mii geavahuvvo lea M-M-Rvaxpro, ja dat sisttisoallá ealli, láivuduvvon virusiid. MMR-boahku dábáleamos liigeváikkuhusat leat bákčasat mat eai biste, ruvssodeapmi ja bohtaneapmi čuggensajis. Ovttá dahje guokte vahku maŋŋá boahkuheami sáhttet muhtin mánát oažžut geahppa dávdamearkkaid dan dávddas man vuostá boahkuheapmi suodjala, muhto dat lea hárve sin gaskkas geat leat ovdal ožžon ovttá boahku. Dábálaččamus leat feber ja rušmmasteapmi. Eanet diedut sisdoalu ávdnasiid ja vejolaš liigeváikkuhusaid birra M-M-Rvaxpro maŋŋá gávdnojit Direktoráhta medisiinnalaš buktagiid neahttasiiddus: [Legemiddelsøk](#) (girjedárogillii).

Ovdal boahkuheami – muitte diedihit dearvvašvuodabuohccedivššárii

Diedit jus mánás lea immuvdnaváilevuohka dahje jus son geavaha dálkasiid mat váikkuhit vuostálastinnákii dávddaid vuostá. Diedit maiddái jus mánás lea allergiija dahje lea ovdal leamaš garra allergalaš reakšuvdna (beroškeahhtá mii lea sivvan dasa). Jus máná oažžu allergijaboahkuheami (hyposensibiliseren) dahje lea ožžon eará boahku maŋimuš njeallje vahku, diedit dearvvašvuodabuohccedivššárii. Eanet diedut gávdnojit neahttasiiddus: [Vaksine mot meslinger, kuma og røde hunder \(MMR-vaksine\)](#) (girjedárogillii).

Boahkuide mat leat mánáidboahkuhanprográmmas, leat doarvái ahte okta váhnemiin dahje eará olmmoš geas lea váhnenovddasvástádus miehtá ([Lov om pasient- og brukerrettigheter §4-4](#)).

Eanet diedut mánáidboahkuhanprográmma birra: [Vaksiner til barn](#) (girjedárogillii).